

古尊宿語錄卷第八

密八

寶應南院禪師

大迦<sub>迦</sub>下六世嗣<sub>大</sub>北  
風穴禪師大迦<sub>迦</sub>下七世嗣<sub>南</sub>院

寶應南院禪師諱慧顥河北人也

上堂云赤肉團上辟立千仞有僧問赤肉團

上辟立千仞豈不是和尚語師云是僧便掀  
倒禪林師云你看這瞎漢亂做僧提議師便  
打趨出院問大用不逢人時如何師云鷄鵝舞  
連門禍問龍躍江湖時如何師云瞽嗔瞽喜  
問傾湫倒岳時如何師云老鴟無觜問從上

古人見不盡處師還見也無師云握手吐食  
人不願滿朝盡道好周公僧向口上打師云  
道者大煞瞎僧云有恁麼瞎老漢恁麼道師  
便打問從上諸聖向什麼處去也師云不上  
天堂即入地獄僧云和尚作麼生師云你還  
知寶應老落處也無僧擬議師便打一拂云  
你還知奧拂子底麼僧云不會師云正令却  
是你行又打一拂子問如何是第一句師云  
你試道看僧便喝師拍手云大眾好喝僧又  
喝師便打問回旋空中時如何師云四面連  
架打問龍獸相交時如何師云狗脊坡頭問  
丹霄獨步時如何師云日馳五百問金榜題

名請師印可師云日下拽脚問大震虹霓詣  
師引驗師云日下三刻問黃巢過後何處回  
避師云六纛旗下問忽遇捉着時如何師云  
賊首頭犯問寶劍未出匣時如何師云泥塗  
跌宕僧云出匣後如何師云天魔唱快問楊  
朱泣岐時如何師云白狗臨刑莫怨天問人

逢碧眼時如何師云鬼爭漆桶問獨步青霄  
時如何師云四衆圍遶僧云四衆圍遶時如  
何師云梵音絕處行問寂寂無聲時如何師云  
打了拖聲勢問鳳栖不到處時如何師云  
忽聞庭前撲煞老鷗梟問如何是歸宗理事  
絕師云納孺處錯問如何是日輪正當午師  
學云住即瞎師打禪牀僧便喝師拈棒僧云  
老和尚莫掣猱奪棒打老和尚去在師云今  
日被這瞎漢鈍置煞我僧云陣敗不禁召幕  
掃問疋馬單鋒來時如何師云且待我研棒  
問如何是佛法大意師云無量大病源僧云  
請師醫師云世醫拱手問師唱誰家曲宗風嗣

阿誰師云掌塔戴鷹冠口中更河海問如何  
是無相涅槃師云前三點後三點僧云無相  
涅槃請師證照師云三點前三點後問万里  
無雲時如何師云飢虎投崖問古殿重興時  
如何師云明堂瓦掉簷僧云興廢則莊嚴畢  
備也師云斬草蛇頭落問二王相見時如何  
師云十字街頭吹尺八問如何是無相道場  
師云砍破鬼神村上堂云是你諸人盡  
曾向諸方去來不是不知不見還知老僧這  
裏有諦應僧便問請和尚諦師云推筭決疑  
問如何是薦葡萄林師云鬼厭箭問如何是不  
動尊師云邂逅到崖州問掇糲要津時如何

師云灰糞堆問百了千當時如何師云未是  
好手問大義爭權時如何支擬師云光漆交  
社僧云將何奉獻師云切以生芻祭惟駄糞  
問如何是乾坤主師云周人遺刀心刻九竅  
問麟閣圖形請師憐念師云纓拂面塵問如  
何是解脫漿師云苞茆滲血簋物不多問如  
何是金剛不壞身師云老僧在你腳底僧便  
喝師云未在不是僧又喝師便打問南宗北  
祖如何顯示師云大庾嶺頭雲太行山下賊  
僧云如何明會師云幽燕經刦殺吳越咲呵  
呵僧云畢竟如何師云莫言無法說最苦是  
新羅問薄地天龍如何弁識師云有什麼難

弁僧云便請弁師云瘦眼生盲莖毛繖索僧  
云如何醫治師云氣針抉舌上雷電震雲間  
僧云忽遇葉公時如何師云見假不知驚著  
否至今猶是眼聾天間日出扶桑時如何師  
云闇浮樹下過問凡聖同居時如何師云兩  
个猫兒一个獐問旃檀栴密時如何師云獨  
柳樹下坐問近不得時如何師云冤家難解  
脫問萬仞龍門今朝透過時如何師云全存  
浑龐聲僧云恁麼則全承布雨去也師云泥  
人眼赤問如何是道師云鷹過長空無一物  
問獨遊滄海時如何師云雷震青空畜生燒  
尾問運足不知路時如何師云鳥道盲人遇

問中間不會時如何師云靜處踝了打問投  
機不遇時如何師云是下全身去問金鎖斷  
時如何師云失僧云金鎖既斷為什麼却失  
師云崖州路上問行人問然燈前即不問然  
燈後亦不問如何是正燃燈師云滅僧從東  
過西邊立師云野狐精問不施寸刃便登九

五時如何師云單杖控天街太白過後望問  
如何是無縫塔師云八花九裂問如何是塔  
中人師云頭不梳面不洗問萬里無雲時如  
何師云寸步不可過問剪鐵鎌鋤猶恨鈍齧  
鏃當鋒事如何師云剪即死僧便喝師拍膝  
一下僧又喝師拈捧僧云老和尚莫盲枷瞎

棒奪却棒來打老和尚去莫言不道師云今日無端黃面浙子鈍置一場僧云老和尚莫掣猱好問如何是佛師云如何不是佛問惜宗風護三乘如何是道師云更夢見什麼上堂云過去祖佛盡皆恁麼道時有僧問道個什麼師云大哉問上上根器人來師還接

審

四

也無師云接僧云便請和尚接師云且喜共你平交問如何是佛師云我不曾知僧禮拜師便打上堂云有解問話者出來時有僧出禮拜師云是者老漢罪過便下座問如何是和尚家風師云秋牧冬歲問如何是實應正主師云杓大椀小問如何是實應水師

云了云飲者如何師云了問牛頭未見四祖時如何師云今日不答話問擬伸一問師意如何師云是何公案僧應喏師云放你三十棒問如何是祖師西來意師云五男二女問如何是寶應劍師云天下老和尚答話了也將此語別處問去僧云用者如何師便打問

祖意教意是同是別師云黃尚書李僕射僧云不會師云牛頭南馬頭北萬代閻名時如何師云光漆郊社問如何是佛法大意師便喝僧云老和尚莫探頭好師又喝僧便禮拜師云放過即不可便打問如何是佛法大意師便喝僧便禮拜師云今夜兩個俱是作家

禪客與寶應老稱提臨際正法眼藏若要一  
喝下弁賓主問取二禪客問學人有一問在  
和尚處時如何師云你問道什麼僧便喝師  
便休至明日上堂衆集師云昨日問話師僧  
在什麼處僧才出師拈捧便打問如何是佛  
師云待有即向你道僧云与麼則和尚無佛  
也師云正當好處僧云如何是好處云今日  
是三十日 上堂云諸方盡是把蛇頭求  
歇終不敢向第二頭答賓家話若是本色衲  
僧便莫共語作麼生是本色衲僧良久云有  
輸有贏有防禦使問長老還具見聞覺知也  
無師与一踏踏倒勘辯問園頭瓠子開花也

未僧云開花已久師云還着子也無僧云昨  
日遭霜了也師云大眾突個什麼僧擬議師  
便打問風穴南方一棒作麼商量穴云作奇  
特商量穴却問和尚此間一棒作麼商量師  
拈拄杖云棒下無生忍臨機不見師問僧近離  
什麼處僧云龍興師云發足莫離葉縣否僧便  
喝師云好好問你又惡發作什麼云喚作惡發  
即不得師便喝云你既惡發我也惡發近前  
來僧近前師云我也沒量大罪過暗漢參堂  
去師有時把住一僧云作麼作麼僧無對師  
云三十年來弄馬騎有時把住一僧云會麼  
僧云不會師云牛頭南馬頭北問僧夏在什

麼處僧云五臺師云文殊還說着老僧也無

僧云不說著師云今日遇作家有時見僧來參便把住參頭云是什麼僧無語師云三十

年弄馬騎今日被駢撲又自云大衆莫道間

處語問僧離甚處云襄州師云什麼物恁麼來云和尚試道看師云適來禮拜底僧云錯

師云錯個什麼僧云再犯不容師云三十年弄馬騎今日被駢子撲瞎漢參堂去問大德講什麼經僧云維摩經師指云會麼僧云不會師云侍者點茶來問僧夏在什麼處云湖南師云喚維那來上板頭安排着問僧名什麼云普參師云忽遇屎橛作麼生僧不審師

便打

風光禪師諱延沿餘杭劉氏子也

上堂舉

寒山詩曰梵志死去來魂識見閻老讀盡百王書未免受捶拷一稱南無佛皆以成佛道問滿目荒郊翠瑞草却滋榮時如何師曰新出紅爐金彈子這破闍黎鐵面皮問如何是

卷八

六

互換之機師曰和首熟想瞎問真性不隨緣如何得證悟師曰豬肉案上滴乳香問如何是清淨法身師曰金沙灘頭馬郎婦問一色難分請師顯示師曰湍爐添炭猶嫌冷路上行人祇守寒問如何是學人立身處師曰井底泥牛吼林間玉兔驚問如何是道師曰五

鳳樓前曰如何是道中人師曰問取皇城使  
問不傷物義請師便道師曰劈腹開心猶未  
性燥問未定渾濁如何得照師曰下坡不走  
快便難逢問如何是衲僧行履處師曰頭上  
突捧口裏喃喃問靈山話月曹谿指月去此  
二途請師直指師曰無言不當痘曰請師定

當師曰先度汨羅江問任性浮沉時如何師  
曰牽牛不入欄間縱然便會時如何師曰截  
耳臥街問狼煙永息時如何師曰兩脚捎空  
問祖今當行時如何師曰點問不施寸刃便  
登九五時如何師曰鞭屍屈項 上堂舉  
難問不露鋒鉞句如何辯主賓師曰口銜羊  
角鰐膠枯問將身御險時如何師曰布露長  
書寫罪原問學人解問請訛句請師舉起訛  
人機師曰心裏分光明眼睛黑問生死到來時  
如何師曰青布裁衫格大吹曰如何得不尖  
古云我有一隻箭曾經久磨煉射時徧十方

卷八

七

師曰竹竿頭上禮西方問魚隱深潭時如何  
師曰湯盪火燒問如何是諸佛行履處師曰  
青松綠竹下問如何是大善知識師曰殺人  
不眨眼曰既是大善知識為甚麼殺人不眨眼  
眼師曰塵埃影裏不拂袖盡戰門前磨寸金  
問一即六六即一一六俱亡時如何師曰一  
箭落雙鵠曰意旨如何師曰身亡跡謝問摘  
葉尋枝即不問直截根源事若何師曰赴供  
凌晨去開塘帶雨歸問問盡是捏怪請師  
直指根源師曰罕逢穿耳客多遇刻舟人問  
正當恁麼時如何師曰盲龜值木雖優穩枯  
木生花物外春上堂大眾集之師曰不

是無言各須英鑒問大眾雲集師意如何師  
曰景謝祁寒骨肉疎冷師在南院作園  
頭一日南院到園問云南方一捧作麼生商  
量師曰作奇特商量良久師却問和尚此間  
作麼生商量南院拈棒云棒下無生忍臨機  
不讓師師於是豁然大悟南院云汝乘願力  
采荷入法非偶然也汝聞臨濟將終時語不  
曰聞之南院云臨濟道誰知吾正法眼藏向  
這瞎驥邊滅却渠平生如師子逢人即殺及  
其將死何故屈膝垂尾如此對曰密付將終  
全主即滅又問三聖如何亦無語乎對曰親  
承入室之真子不同門外之遊人南院領之

又問汝道四種料簡語料簡何法對曰丸語不滯凡情即墮聖解學者大病先聖哀之為施方便如楔出楔云如何是奪人不奪境曰新出紅爐金彈子蓬破闇梨鐵面門又問如何是奪境不奪人曰葛草乍分頭腦梨亂雲初綻影猶存又問如何是人境俱奪曰躡足審

進前須急急促鞭當鞅莫遲遲又問如何是人境俱不奪曰常憶江南三月裏鶺鴒啼處百花香又問臨濟有三句當日有問如何是第一句臨濟云三要印開朱點窄未容擬議主賓分師隨聲便喝又問如何是第二句臨濟云妙解豈容無着問漚和爭赴截流機師

曰未問已前錯又問如何是第三句臨濟云但看棚頭弄傀儡抽牽全藉裏頭人師曰明破即不堪於是南院以為可以支臨濟不辜負興化先師所以付託之意師依止六年而南院發後唐長興二年雲遊至汝水見草屋數椽依山如逃亡人家問田父此何所田父云古風尤寺世以律居僧物故又歲飢衆棄之而去餘佛像鼓鐘耳師曰我居之可乎田父云可師乃入留止晝乞村落夜燃松脂單丁者七年禮信為新之成叢林晉天福二年州牧聞其風盡禮致之上元日開法嗣南院漢乾祐二年牧移守郢州師又避寇往依之

牧館于郡齋陞座曰祖師心印狀似鐵牛之  
機去即印住住即印破只如不去不住印即  
是不印即是時有盧波長老出問某甲有鐵  
牛之機請師不搭印師曰慣釣鯨鯢澄巨浸  
却嗟蛙步驟泥沙盧波佇恩師喝曰長老何  
不進語盧波擬議師打一拂子曰還記得話

審八

九

十有二年以皇宋開寶六年癸酉八月旦日  
登座說偈曰道在乘時湏濟物遠方來慕自  
騰騰他年有叟情相似日日香烟夜夜燈至  
十五日跏趺而化前一日手書別禮越閑世  
七十有八坐五十有九夏得法上首汝州首  
山念禪師

重刊古尊宿語序

頭麼試舉看盧波擬開口師又打一拂子牧  
主云信知佛法與王法一般師問曰太守見  
何道理牧主云當斷不斷反受其亂師便下  
座 寇平汝州有宋太師者施弟為寶坊  
號新寺迎師居焉法席冠天下學者自遠而  
至 周廣順元年賜寺名廣惠師九住二

雖古人用過時無古今死路活行死恭活著觀照激發如龍得水故曰言語哉道之器雖佛祖不得而廢也七佛偈及西天此土三十三傳枝出派列莫知其幾授受證據泊夫抑揚示誨見于傳燈而多有載不盡者往往散落異時有噴藏主者旁蒐廣採僅得南泉而下二十二家示衆機語厥後又得雲門真淨佛眼佛照等數家總曰古尊宿語非止乎此也據其所搜採而言爾夫古人得親故用親行到故說到其所說者如國家兵器不得已而用之從上為人只貴眼正是豈末流刻楮畫花雕蜡蛤瞎學者眼所可同日語覺心

居士出善女倫秉烈丈夫志操不為富貴所障世相所縻著淨名衣空空生室安住正受動靜提撕是孰使之然哉謂贊所編古尊宿語刊于閩中而板亦漫矣兩浙叢林得之惟艱勇捐已資鋟梓流通命憚衲精校重楷不鄙索序噫亦異矣昔月上女抗舍利弗發明

密八

大涅槃菴提遮對曼殊室利不生生不死死義達磨來震旦以後其間善女等倫橫機諸大老發明向上者多矣近世秦國計氏與夫空室道人皆以鍾鼎家世而為般若眷屬今覺心則發揮古宿機語以遺佛種無二無二分無別無斷故覺心魏氏紹興丞相文節公

孫余文昌之室先瑩住林庵虛席命慈林解無言者攝解催請主庵人覺心著語云菴主只在菴中為甚麼不見道有又無道無却有又不近又不遠舉頭鵠子過新羅參得著喫盜麪餘偈語多有皆不計較而得則日用中無非禪悅法喜之樂矣併見于此旨

聖宋咸淳丁卯春清明日江浙等處明州府阿育王山廣利禪寺住持沙門物初大觀序唐宋諸碩師傳佛心宗道大德備室中垂示勘辨學者徵拈代別皆有機語流布寰中久矣惟傳燈一書嘗賜入藏諸師之語傳燈不能偹載者有贊公藏主別集南泉趙州黃蘖

臨濟雲門真淨佛眼東山二十餘家總若干卷題之曰古尊宿語實有補於宗門

十一末

古尊宿語錄卷第八

永樂北藏

古尊宿語錄

第一九七冊